

三峽通志

三岐通志卷之五

高安吳守忠編輯

楚黃岡盧國禎校

附錄

帝王勝蹟

夏大禹貢荊及衡陽惟荊州江漢朝宗于海九江孔
殷沱潛既道雲土夢作人厥土惟金沱厥田惟下中厥
賦上下厥貢羽毛齒革惟金三品柁榦栝栢礪砥磬卣
惟陶匭栝三邦底貢厥名包匭菁茅厥篚玄纁璣組九

江納錫大龜浮于江沱潛逾于洛至于南河岷山導江
東別為沱又東至于澧過九江至于東陵東迤北會于
匯東為中江入于海

周文王之化自邇而遠先及於江漢之間而有以變其
淫亂之俗故其出游之女人望見之而知其非復前日
之可求矣作詩以美之曰南有喬木不可休息漢有游
女不可求思漢之廣矣不可泳思江之永矣不可方思
是時已水傍腰有待年於國而嫡不與之偕行者其後
嫡被后妃夫人之化乃能自悔而迎之故腰見江水起

興以美之曰江有沱之子歸不我過不我過其嘯也歌
漢章武元年帝以孫權襲關羽之故東征二年帝進軍
魏亭夏六月諸軍敗績於秭歸帝還永安三年春帝病
篤召諸葛亮於成都屬以後事謂亮曰君才十倍曹丕
終定大事若嗣子可輔輔之如其不才君可自取亮泣
曰臣敢不竭股肱之力效忠貞之節繼之以死帝崩奉
梓宮還成都塋于惠陵謚曰昭烈皇帝

楚項襄王避敵至巫於女觀山西小山上築宮室以處
從行宮人皆細腰因以名宮宋玉高唐賦昔者楚襄王

與宋玉遊於雲夢之臺望高唐之觀其上獨有雲氣崢
弓直上忽弓既容須臾之間變化無窮王問玉曰此何
氣也玉對曰所謂朝雲者也即此王墓在細腰宮前歸
州有楚王臺楚王井誌云王飲馬於此又有洗馬池賦
又曰昔者先王嘗游高唐豈楚懷王亦嘗至是與

周魚復國未詳

夔子國周成王封鬻熊之曾孫熊繹於楚丹陽熊繹之
子熊摯別封於夔治巫城後徙歸之楚沅按左傳夔子
不祀祝融與鬻熊楚人讓之對曰我先王熊摯有疾鬼

神弗赦而自竄於夔是以失楚又何祀焉楚滅夔以夔子歸

漢公孫述僭號於成都更夔為白帝城按十道志述稱白帝以據西方色尚白也又夔誌載井中有白龍出因稱白帝山亦以名州

吳孫權取荊州復以劉璋為益州牧駐秭歸璋卒雍閬奉璋子闡為益州刺史諸葛亮南征闡入吳為御史中丞

聖賢過化

大禹謨帝曰來禹潯水徹乎成允成功惟汝賢克勤於
邦克儉於家不自滿假惟汝賢汝惟不矜天下莫與汝
爭能汝惟不伐天下莫與汝爭功予懋乃德嘉乃丕績
天之曆數在汝躬汝終陟元后人心惟危道心惟微惟
精惟一允執厥中

周姬奭即召公周同姓也文王命公巡行南國以布厥
政有司請召民公曰不勞一身而勞百姓非吾君之志
也乃徧歷鄉邑聽斷於其棠之下以時當蠶桑耕農於

是弛獄出民使得反業自侯伯至庶人無失職者人思
其政作年棠之詩武王即位命公居左右十有四年以
功封於燕成王時為三公自陝以東公主之

楊雄字子雲蜀郫人其父寓巫生雄雄擅文華意者鍾
十二峯之秀與真西山曰楊子默而好深湛之思故其
言如此潛之一字最宜玩味天惟神明故照臨四方惟
精粹故萬物作類人心之神明精粹本亦如此惟不能
明故神明者而不能燭理而應物也

周惇頤字茂叔號濂溪嘉祐元年以太子中舍僉判合

判官事泝峽至秭歸聞龍昌府之政遂爲逕道於夔
以至合州伍年陸月先生鮮食判出峽東歸轉通判虔
州贊曰道喪千載聖遠言湮不有先哲孰開我人書不
盡言圖不盡意風月無邊庭草交翠

周子判夔州有蓮花池按宋鑑神宗熙寧六年六月知
南康軍周敦順卒內書任分寧主簿調南安司理歷合
州判官夔州通判知柳州爲廣東轉運判官知南康年
伍拾七卒鑿池事不知有無判夔則史可據也

東節邵子世傳先生嘗寓雲安有臺存焉爲先生註易

之所後人因名演易臺嘗聞先生曰天下有易可說
焉則茲之遊也其間鵲之後與贊曰天挺人豪
駕風鞭霆歷覽無際手探月窟足躡天根間中
裏乾坤

郭雍河南人父忠孝從程頤學得其傳持憲陝西死於
金人之難雍退居峽州放浪長陽鯉魚山乾道間徵不
起陽號冲晦處士孝宗時封頤正先生雍傳其父纂遺
書有易說中庸說行於世其兄球有文學號白雲先生

名宦流芳

諸葛亮字孔明琅琊人南陽隆中躬耕隴畝為梁甫吟每自比管樂徐庶謂先主曰孔明臥龍也將軍宜枉駕顧之先主遂詣亮凡三往乃見亮語先主以跨有荆益漢室可興先主於是與亮情好日密嘗曰孤之有孔明猶魚之有水也帝即位以為丞相錄尚書事是秋帝憤關羽之歿帥師伐吳亮留守成都明年春帝兵敗還永安亮急馳至帝崩受遺詔奉太子還成都即位改元建興封亮武鄉侯領益州牧南征四郡斬雍闓高定擒

孟獲而不殺南蠻底定乃上表出師伐魏斬其將王雙
張郃後出褒斜軍渭南司馬懿堅壁不敢出未幾卒於
軍懿按行營壘歎曰天下奇才也

源乾曜臨漳人唐神龍中為夔州叅軍脩圖經言風俗
甚備開元四年十一月拜官同平章事八年三月復拜
同平章事時張說張嘉真杜暹李元絃皆以才能表見
公獨清謹自守上言形要之家多任京官使俊乂之士
沉廢於外臣三子在京請出其二上從之於是出者百
餘人乃同事或忌其率直矣

唐介字子方江陵人天聖八年進士初任平江法曹伸
理枉滯遷為奉節令以通民情理冤獄為先多有惠政
召授殿中御史裏行彈劾張堯佐不當授宣徽使又論
文彥博語甚切直帝怒貶英州別駕神宗朝拜叅知州
事卒謚質肅

寇準字平仲下邳人少英邁通春秋太宗時知巴東賦
役未嘗出符揭名而集真宗時為集賢殿中大學士定
澶淵之議徙太常卿知湘州徙安州貶道州司馬帝初
不知也問左右莫敢對在州民競荷瓦木為公宇再貶

衡州司馬卒歸塋西京道出公安人皆設祭哭於路折
竹植樹紙錢逾月枯竹盡生笋

歐陽脩字永叔廬陵人舉進士試南宮第一調西京推
官遂以文章名冠天下入朝為館閣校勘貽書責司諫
高若訥不論救范仲淹若訥上其書貶夷陵令知嘉祐
二年貢舉時士子尚為險怪奇澁之文號太學體脩痛
排抑之場屋之習從是遂變熙寧四年以太子少師致
仕卒諡文忠

陳起沅江人南唐時舉進士初為寧鄉令改秭歸疏鑿

難難歐陽脩稱之轉湘鄉守鄉令乃遷黃梅有妖寇籍
幻術惑衆起悉擒之由是知名召拜侍御史

朱慶基景祐間知峽州盜民有德政歲數豐稔民建耒
耒亭以彰顯之

趙誠皇祐間知歸州先是山頽江石斷流誠負薪石根
縱火裂石不半載而功成江開舟濟名曰趙江有唐崖
銘

虞允文字彬甫仁壽人紹興初第進士二十一年十月
金虜入寇高宗下詔親征以棄義問視師江淮允文參

護軍事十一月允文收金軍於采石提聞高宗大喜曰
允文朕之裴度也尋罷允文知夔州允文以夔為蜀門
戶於是脩守禦撫軍民百務整肅乾道三年以允文為
四川宣撫使越二年召為樞密使拜尚書左僕射同平
章事進封雍國公卒謚忠肅

王十朋字龜齡樂清人隆興間為侍御史論史浩八罪
風裁凜然詔權吏却侍郎辭不拜以集英殿脩撰知饒
州乾道二年七月移知夔州夔苦於馬綱公西上狀極
言其害州早七月公為文禱於諸廟不踰時雨大降民

三
山
卷
三
頌其惠公暇搜輯屈大夫諸篇武侯以下行實為夔路
十賢詩又立武侯及唐質甫公祠皆以表揚先哲興起
未學其誨生儒甚勤切大要以忠孝興思無邪為主民
輸租者使自縣量其治以庶潔公平下有不善者反覆
告戒誠意篤至人多信服去之日士民攀轅不舍

李浩字德遠一字直夫臨川人中紹興壬戌進士不謁
秦熈時論重之然為所憾公義不屈拂衣家居檜卒乃
得除歷官吏部侍郎以秘閣脩撰知夔州兼夔路安撫
使奉法循理律已甚嚴部有施州其守田氏與其猶子

為二者不協起兵相攻公親草檄遣官諭之二人感悟
歃血釋兵邊賴安妥在夔踰年以疾請未至而歿朝議
以公盡瘁厥職特贈集英殿脩撰

查箬字元章紹興中登進士隆興初為御史乾道中出
為夔路運判適王龜齡在帥府相得甚懽特為網為害
公力贊龜齡陳於朝又調停輸運之法務以便民嘗與
龜齡採輯先賢之宦夔者立祠祀之各為詩以述其美
後轉成都運使歷官至太常少卿晚節立朝益以謇直
自持不阿時好蓋始終一致云

三山通志卷之三
劉光祖字德脩安陽人登進士廷對言孝宗睿察太過
神斷大嚴求治太速喜功太甚光宗朝為御史落職居
房州嘉泰二年弛偽學之禁公得起官歷江西提刑改
知夔州公上言人主有六易天命易恃天位易樂無事
易安意欲易奢政令易急歲時易玩又有六難君子難
進小人難退苦言難入巧佞難遠是非難明取舍難決
闇主之所易明主之所難明主之所易闇主之所難在
變施政一以便民而不擾之終顯謨閣學士奉祠卒謚

文節

孟珙襄陽人嘉熙四年二月為四川宣撫使知夔州節制歸峽鼎澧軍馬珙招集散民為寧武軍以降人回鶻愛里八都魯為飛鶻軍釐蜀政之弊為條頒諸郡縣尋兼夔路制置大使大開屯田又創南陽竹林西菑院以處襄漢四方流寓之士乃條上屯田始末與所減素食之數降詔獎諭尋轉寧武軍節度使知江陵府淳佑六年卒贈太師封吉國公諡忠襄

王禎初公以大學士除夔州府通判緣五月會剽襄賊石和尚流劫入夔焚巫山縣治是時同知王 授牒捕

賊性柔怯而陰猾故託疾不敢出一兵公忿忿面數之
曰汝食

朝廷祿所主何事忍委赤子飢虎口耶即代勅所部民兵
晝夜行至則巫山已破賊方聚山中索擊之殺渠桀三
十一人餘盡遁乃行縣撫傷殘招潰散久乃得歸居三
日賊復寇大昌公促王王又不行而瞿塘衛指揮曹能
柴成兩人與王素黨結連禍多方詭辭庇之且激公曰
公誠為

國家出氣力肯慨然復行乎公即聲應曹柴兩人故酌酒

賀更許以身相翼實為脫王計公即日勒民兵夾曹崇
兩人赴之與賊夾水陣已而麾民兵畢渡趣戰曹崇望
風走公陷圍中自寅及申人馬疲誤入淖田不得脫賊
欲降之公大奮罵賊怒以刀斷其喉及右臂墮淖中馬
逸去成化丙戌五月九日也始公赴大昌道宿水商家
故新淦人且稔公知賊不敢言是日將歸有物嘯
於山者商驚視曰為王公耶果爾當三嘯止如其言商
密與家人負簣往尋亂尸見衣白紵半臂者公也載簣
土令不深沒自死所至府三百餘里馬奔歸府門闔長

斯毀其荷若告急狀守者納之血淋漓毛鬣盡赤衆始
駭公已死而賊尤不解後死之二十五日子廣始隨木
商往殮之面如生不以暑腐然貧甚不能歸盡售行李
與馬為資而王意在馬不償直竟徒手得之櫬既行距
殮之二十五日夜半馬哀鳴特異王命秣者加筮豆不
為止王疑秣者約已自起視櫬馬驟前嚙其項不釋口
久乃得脫復奮首擣胸仆之地不省人翌日嘔血數升
死賊既平有司正功罪曹榮亦被誅

公吉
水人

卿賢遺卷

屈平字原為懷王左徒恃聞強志明於治亂嫺於辭令
王甚任之與國議國事上官大夫妬其能譖之王曰王
使屈平為令衆莫不知每一令出平伐其功曰以為非
我莫能為也王怒而疏屈平其後秦昭王與楚懷王會
盟於武關屈平曰秦虎狼之國不可信不如無行懷王
稚子子蘭勸王曰奈何絕秦歡懷王卒行秦人留之楚
立其子頃襄王懷王竟薨於秦屈平憂愁幽思而作離
騷其存君與國一篇之中三致意焉令尹子蘭大怒後

與上官大夫譖平於頃襄王王遷之江南平作懷沙之
賦自投汨羅以死漢太史公為原傳曰余讀離騷天問
招魂哀郢悉其志適長沙觀原所自沅湘水嘗不墜涕
想見其為人

宋玉屈平弟子為楚大夫憫其師忠而放逐乃作九辯
悲其志及原沉汨羅又作招魂哀之其詞歔歔悽悽讀
之使人泫泫淚下甚矣王之用情於師殷殷厚也王後
遊巫山觀十二峯之娟娟又作神女高唐二賦寓言托
興以諷其詞殆麗以淫矣太史公曰屈原之後有宋玉

景差唐勒之徒者皆好詞而以賦見稱然皆祖屈平之
從容辭令終莫敢直諫嗚呼斯言其有所感矣

巴蔓子周季世巴國亂將軍蔓子請師於楚許以三城
楚救巴巴國已寧楚使請城蔓子曰藉楚之靈克緩禍
難誠許是三城將吾頭往謝城不可得也乃自刎以頭
授楚使楚王以上卿禮葬其頭於荊門山之陽

嚴植之字孝源祔歸人少喜老莊脫通周易毛詩左氏
春秋鄭氏禮書梁天監中辟為五經博士開館授徒生
儒常數百講說多精當後遷中撫訛室叅軍

徐世譜字與宗其先巴東魚復人世居荊州為王帥征
蠻賊勇收有膂力善水戰梁侯景之虬因與征討尋領
水軍與景戰於赤亭湖景平以資頌河東太守陳武帝
拒王琳其水戰之具悉委世譜世譜性機巧諳解舊法
所造器械隨機損益妙思出人遷護軍將軍

唐繁之一種歸人善詩學聞忠州刺史白居易將出夔
乃至巫候之題於郵壁曰忠州刺史今才子來到巫山
必有詩傳與巫山神女道速排雲雨候新詞白至遂與
同舟論詩倡和至秭歸居數日而後別詳全唐詩話

廖彥正奉節人情學有器識以剛直聞於時政和中為
南平司隸參軍徽宗末直言彥正上封事論時政缺失
大為直政者所集會脩大河除都水使躬督疏濬不為
權貴所撓中貴人有與爭者彥正欲力正其罪遂為所
中時宰蔡京因前封事之憾罷斥之元祐黨籍彥正與
焉

胡勉長陽人建炎初寇鍾相之徒犯其邑勉集豪勇斬
二渠魁嘗攝縣事劉超將侵建平勉捍防蜀道賊不得
進凡破賊所獲金帛悉分其下秋毫無取

青文勝字質夫大寧人洪武間龍陽縣典史律已公勤軫民疾苦邑賦歲為石三萬七千有奇以瀕於洞庭水災汎濫歲大歉無以輸有司急責歛之民竄徙不能為生公愀然憫之乃疏民情奏聞凡三上不報遂自經於登聞鼓下

高皇帝矜其志賜免龍陽歲輸二萬四千餘石永不起科氏甚德之時公年三十有三妻子以清寒不能還蜀遂藉龍陽民思其德上於撫按立祠祀之扁曰忠惠

夷陵人居篤學坊以傳學孝義著不求聞達人稱

曰處士

達人流寓

姜詩廣漢人寓居夷陵事母至孝母好飲江水妻泝流
汲之後直風不即還詩責而遣之母好食魚舍側忽有
涌泉味如江水每旦輒出雙鯉以供母膳漢永平中以
孝廉舉

杜南字子美天寶中獻大禮賦三篇玄宗奇之后棄官
去客秦川會嚴武節度劔南表為參謀檢校工部員外
郎武以世舊待南甚恭南性疎軟嘗醉坐晚視日嚴

挺之乃有此見武若不為忤中郎之後武卒崔肝亂公
下我渝永泰元年秋至雲安大曆元年秋移居夔州寓
西閣遷居赤甲又遷西瀼二年秋遷東屯三年正月出
峽抵江陵其居夔詩多至四百餘篇

李白唐宗室子也父神龍初謫寓彰明母娘常夢長庚
星入懷因名白性倜儻賦才英麗其為詩辭宕蕩偉偉
飄然有超世之思騷人所不及近世所未有也天寶初
至長安賀知章一見呼為謫仙人薦之見金鑒論時事
詔供奉翰林後白浮游四方至江東為永王璘所迫璘

敗坐繫潯陽獄崔渙宋若思驗治以為罪薄時郭子儀請以官贖白死長流夜郎有翰林集二十卷行於世

黃魯直字庭堅豫章人與秦少游晁無咎張文潛皆以文學游蘇氏之門元祐中同入館世號四學士魯直才尤奇世又稱蘇黃公性直



為章惇所嫉謫涪州別駕

建中靖國元年公過巫山時弟叔向嗣直自涪陵尉攝縣事公因寓縣廨得漢永平中鐵盤為文記之又過百八盤山有詩云一百八盤携手上至今歸夢繞羊腸過南浦時守高仲本邀公遊香山丰又遊西山勒封院公

皆晉題謂景物清絕為夔路第一

宋濂字景濂金華人大祖定鼎金陵召至參謀帷幄以
為翰林學士承旨凡一代典禮制誥文章多出公所裁
定公每悉心獻納上嘗稱為純臣又稱先生而不名萬
機暇嘗與公飲公素不勝杯酌上強之至三觴面如赭
行不成步上親御翰墨賦楚詞一章以賜仍命侍臣賦
醉學士歌且曰俾後世知朕君臣同樂若此也公晚年
致仕歸青蘿山閉門著述人不見其面十三年孫慎以
罪被刑公安置茂州子瓚侍公入蜀間閱萬里卒於夔

州年七十三歲墳亦繼歿蜀王夙欽公賢移柩塋於成
都

余郁字公文浙江淳安人洪武初舉進士為監察御史
直節敢言無所迴避上怒之編其於葵為園栽竹以自
適因號竹坡居士又號吾齋室中常書聯句云大丈夫
不移貧賤方寸地畱與子孫日手一編坐齋中吾伊弗
輟暇則行吟竹間或與嬖者碩杖履往還徜徉嘯歌怡
然自得殆忘其身之為迹客也時學士宋公濂以事安
置茂州次變而卒素望蓮花峯下公為守其墓者凡三

十年人咸高其義又數年乃卒塋於城西子孫貧不能還浙遂籍於甌

一統芟夷

光武四年春帝使岑彭與傅俊南擊田戎大破之遂拔夷陵追至秭歸戎亡入蜀彭晉威虜將軍馮駿置江州都尉田鴻軍夷陵九年公孫述遣其將任滿田戎程汎將數萬人來枋笮下江閬擊破馮駿及田鴻彭與吳漢及誅虜將軍劉隆輔威將軍臧宮驍騎將軍劉歆發南陽武陵南郡兵又發桂陽零陵長沙委輸棹卒凡六萬

餘人騎五千匹皆會荆門吳漢以三郡棹多費糧殺歆
罷之彭以蜀兵盛不可遣上書言狀帝報彭曰大司馬
習用步騎不曉水戰荆門之事一由征南公為重而已
彭乃令軍中募攻浮橋先登者上賞於是偏將軍魯奇
應募而前時天風狂急彭奇船送流而上直衝浮橋因
飛炬焚之風怒火盛橋接崩燒彭復悉軍順風並進所
向無前蜀兵大亂溺死者四千人

杜預字元凱杜陵人也預以太康元年正月陳兵於江
陵遣參將樊顯等率衆循江西上授以節度旬日之間

三山通志 卷之五
累尅城邑皆如預策焉又遣牙門周旨五巢等率奇兵
八百泛舟夜渡以襲樂鄉多張旗幟起火巴山出於要
害之地以奪賊心吳都督孫歆震恐曰北來諸軍乃飛
渡江也

王濬字士治弘農湖人也太康元年濬為益州刺史自
表伐吳正月濬發自成都作大筏數十方百餘步縛草
為人被甲持杖令善水者以筏先行遇吳人所置鐵錐
輒筏去又作火炬長十餘丈大數十圍灌以麻油遇鎖
融液斷絕二月庚申尅吳西陵獲其冑都太守虞忠壬

戊尅荆門夷道二城乙丑尅樂鄉進王濬為平東將軍
至武昌夏口兵不血刃攻無堅城遂底建康孫皓出降
吳平六年卒謚曰武

李孝恭少沈敏有識量高祖已定京師詔拜山南招慰
大使徇巴蜀下三十餘州明年拜信州總管當是時蕭
銑據江陵孝恭數進策圖銑帝嘉納進王趙郡以信州
為夔州乃大治舟艦肄水戰會李靖使江南孝恭倚其
謀遂圖江陵盡召巴蜀首領子弟收用之外示引懼而
內實質之也俄進前湘道總管統水陸十二軍發夷陵

破銑二鎮縱戰艦放江中諸將曰得舟當濟吾用棄之
反資賊柰何孝恭曰銑之境南際嶺左薄洞庭地險士
衆若城未援而援至我且有內外憂舟雖多何所用之
今銑瀕江鎮戍見艦勦蔽江下必謂銑已敗不即進兵
覘候往返以引救期吾既拔江陵矣已而救兵到巴陵
見船疑不進銑內外阻絕遂降

宋乾德二年冬十一月以王全斌劉光義為西川行營
都部署分道伐蜀十二月劉光義克蜀夔州遂及韓保
正戰於三泉獲之夔州有鑠江為浮梁上設敵棚三重

夾江列駁具光義將行太祖示以地圖指鑠江曰我軍
至此沂流而上慎勿以舟師爭勝當先以步騎陸行出
其不意擊之俟其勢却即以戰櫂夾攻取之必矣及師
至夔距鑠江三十里舍舟步進先奪浮梁復牽舟而上
破州城蜀守將高彥儔自焚死悉如太祖計

洪武四年六月大將軍廖永忠至瞿塘關永忠以山峻
水急而蜀人設鉄索飛橋橫楸關口我舟不得進乃密
遣壯士數百人舁小舟踰山度關以出其上流人持糗
糧帶水筒以禦飢渴蜀山多草木今軍士皆衣青蓑衣

魚貫出崖石間蜀不之覺也度其已至乃率精銳出墨
葉渡分爲兩道夜五更以一軍攻其陸寨一軍攻其水
寨攻水寨將士皆以鉄裹船頭置火器而前黎明蜀人
盡銳來攻永忠已破其陸寨矣既而軍士昇舟出江者
一時俱發上流揚旗鼓譟而下蜀人出不意大駭下流
之師亦擁舟前進發大炮火筒夾擊大破之其將鄒興
中火箭死遂焚其三橋斷其橫江鉄索檣偽同僉蔣達
等八十餘人斬首千餘級溺死者無算飛天張鉄頭張
等皆遁去永忠入夔府明日湯和兵亦至永忠乃與和

分道並進和率步騎永忠率舟師約會於重慶永忠師
行沿江州縣望風奔附來勝抵重慶以銅鑼峽明昇居
臣大惧遂遣使請永忠紂款後款日湯至重慶會永忠
以兵至朝天門外明昇而縛紂壁與母彭氏及群臣奉
表詣軍門降

偏安竊據

戰國楚肅四年始建扞關突在魚復置江關都尉張儀
說秦王曰巴蜀沿船沿江而下不十日而距扞關惠王
從之使司馬錯伐蜀有其地其後白起遂燒夷陵

建武九年公孫述遣其將任滿田戎陳汎將數萬人乘
枋箬下江關拔夷道夷陵儼荆門虎升橫江水起浮橋
開樓立攢柱絕水道結營山上以拒漢兵

王濬為益州刺史謀伐吳造舟木枰蔽江而下建平太
守吾彥以白吳主宜增建平兵於要害處彥造鐵鍊橫

江以禦之又造鉄錐數萬長丈余暗著水中

後唐張武石照人仕王建為破浪都頭大破高季興於
夔以功陞鎮武軍節度使武嘗作鉄鉅絕江中流立柵
於兩端謂之鎖峽云

高彥儔五代時為蜀夔州守將初夔有鎖江為浮梁上
設敵棚夾江列礮以握險要宋太祖遣劉光儀曹彬伐
蜀師至距鎖江三十里舍舟以步兵先攻彥儔歆堅壁
待之監軍武守謙不從獨領麾下與騎將張建翰戰敗
走宋兵彥勝登城彥儔力戰身被十餘鎗判官羅濟勸

兵降彥儔不許奔歸府第望西北再拜縱火自焚死綱
目特書以錄其忠云

夏明昇聞

朝廷遣湯和楊璟等西征自謂瞿塘天險遣其平章莫仁
壽守之以鉄索橫斷閘口聞王師臨境又遣偽丞相戴
平章鄒興副樞飛天張孟兵為固守計仁壽等於鉄索
之外北倚羊角山南倚南城寨西岸壁引纜為飛橋
三於上平以木板置砲石木竿鉄鉋等物傍榜兩岸復
置砲以拒我師於是璟遣指揮常權統兵出赤甲山以

通夔州指揮李 出白鹽山下逼舊夔州南岸以攻南
城寨環與都督王簡出大溪口進攻瞿塘扼江之衆環
戰不利赤甲白鹽之師亦退還歸州湯和廖永安等亦
以江水暴漲不能進駐師大溪口

江神顯應

禹繼父志治水鑿岷江至瞿峽千崖萬壑連絡千里誠
天設之險乃仰窺嘯嘆俄見神人狀肖天女自天而下
授禹王篆靈籙且命其臣任章童律等六人為禹翌助
於時奠分山川告成厥功禹至巫峽思神助力詢于童
律童律曰神乃帝女瑶姬雲華夫人也凝氣為真封於
巫山之麓或為輕雲或為霖雨或為遊龍或為翔鶴既
化為石又化為人千秋慈慈不可殫述禹頃顙謝之
度子與性至孝其父守蜀卒喪過巴峽瞿塘水漲不

可行子與叩天水為退數十丈舟既過水復漲如初行人嘆曰漚瀕如牛本不通瞿塘水退為庾公公在途有鳥巢於舟至家又棲於庭庾仕至尚書郎

神女祠有馴鴉客舟將來則逐數里外船回亦逐數里土人謂之神鴉

宣和中夢人龍澄於大滾水中獲玉印印文非世間篆籀澄恍見天神立於傍曰此印乃玉帝所宝今守護不謹遂落於此神忽不見澄惧乃捧印投元處

黃魔神廟在歸峽中篆字記咸通中蕭遣右史竈黔南

三峽神歸夢神人曰我黃魔神也居紫極宮西北隅將祐助公出此境又廟記載李吉甫自忠州除替峽漲海怒急有神人湧出水上為之扶舟李問是何神曰我黃魔神也初寇準赴巴東舟經查波灘水急難上俄聞水中人語準視之有人裸體為祝舟準詰之答曰我黃魔神也公日當大用故來護但裸體不敢見準以錦袱覆之神即以挾鼓體而去

黃陵廟事跡記所載禹乃燭魔帝天伊初王之子素為大力神通上帝憐水之大劫故降生禹以治之後遣五

星佐其行事俱生於世禹傷父難之無功為父雪耻並塞

帝命仍發憤刻意周訪四海搜羅決策能號召天地靈祇天之五星六丁六甲地之五行九宮八卦悉集聽命太白金精煉丙丁火鑄造錐錘斧鑿鋤鋤鑢歲星為龍驅木公剗剗樵椿橋輪與舟車土星黃牛以耕於岷山導江名川當從岷字以名川為黃牛祠按古者教倖云當時開墾至此為一夫謂其婦曰今當日候雷響方給餉婦不候遽至見一黃牛怒壯勃努力搬轟抵

觸巨石崩裂轉較錯亂若落後出惟隱為像入於太山
石壁之間黃牛土星所化五行之中土能尅水黃牛之
色乃中央土也

蘇軾嘗聞之歐陽公子昔以西京番守推官為館閣較
勘時同年丁寶元珍適來京師夢與予同泝江入一廟
中拜謁堂下予班元珍下既出門見一馬隻耳覺而語
予固莫識也已而元珍除峽州判官予亦貶夷陵令一
日與元珍同泝峽謁黃牛廟入門惘然皆夢所見予為
縣令固班元珍下出門外鐫石為馬缺耳相視大驚乃

山通志 卷之三
畱詩廟中蓋私識其事也

永樂壬寅冬十月余按部夷陵有言黃陵江石灘辟虎
為害民居弗寧有司設筭彌月而弗克獲一余聞且懼
遂率夷陵守汪善並拜之耆老齋沐禱於神廟三俱獲
吉卜由是不旬日虎投於筭者十有三焉非神之靈應

默佑於斯民者不能也

張思安食
事靈應碑

成化初元西陵四境有虎暴歲傷百餘人攫犢承魚筭
山澤鹿麋為之一空行者負憂耕者懷懼辛卯劉瑛來
掌州事敷政之餘進耆民而咨之咸以虎患為對乃揭

榜通衢有藝捷者冬勇於虎虺者給賞久之因効揚言
此虺吞虎也猛獬狁健有神翼之者暴據興山為害二
十餘齡世人畜貽盡詔革其縣次迂歸州又嗜二十餘
人今遷本境黨集魑魅其類滋繁未易除也一日州長
大集文武即僚而謀焉僉判吳遠進曰嘗聞永樂間平
善垵有虎僉憲張公祈於黃陵之神其害遂息蓋禱乎
衆曰諾翌日州長偕僉判率守禦千戶常屋暨從僚索
誠具禮詣祠下致虔誓詞而返逾旬牒報一虎被虺而
死一被虺聞而亡一虎撲行婦隨後者持刀刺之而斃

一虎被標觸死於樹間不數日而四虎俱殄除餘黨散去茲非人力所能是神之所為也

岩洞搜奇

三游洞山自巫峽而東多奇勢雲岑煙龕雪崖而風竅如筍茁乳垂門闔而指戟懸練張幄而流蘇下綴如援絢纓擊神樓鬼射虎蛟鼉之穴競妍爭媚相怪險目左右接不暇黃牛五峯雄峙崖影若牛黃陵廟在焉又東峽東水益隘兩石夾拱人立名舳公峽又東水漸平山亦漸乏奇勝隱然山陰循葛逕曲折數百武及山之巔下又逕崖陰以甚偪俯瞰無底左掖一人一人扶在右皆帖石側行循繩前引後者綴捍予於中猶足跼心顛目

以眩息不時貫歷數曲地稍夷腰折百武出石下地又
夷穹然一洞洞如覆蓬高不六餘丈廣優其半奇石墻
立中擎三柱非圓非方徑可丈餘上廣而銳直下洞爽
以曠如堂可布四席左室可布十席上空若懸扣之類
鍾名天鍾槌其下音如鼓所謂地鼓者也旁橫一石擊
之音如磬正德庚午予征藍賊道經遊焉從者考擊以
待予欵主僧候迎意會之皆由虛發由上皆石懸者大
以圓故如鍾突者方以小故如磬下雜以土故蓬蓬然
鼓音室之背有石如床可臥十許人西如厨東如坐几

洞之石如鑿如鏤如穴以出水如陶室如複道如綴珠
懸琉如蟠螭如刻畫雲鳥藻火波濤之狀巧雕不能舉
丹青者無得而摹寫彷彿之也下橫一溪名下罕僅聞
水聲冷冷然地底又外一山如臺臺中如立笏由他亦
發奇勝洞奪之矣

玉虛洞入香溪而北則衆山環遶不見水流處蓋凡數
折而後至洞之岸於是維舟岸畔綠蔓而升盤旋石徑
曲折可二里至洞口因舊崩土石為蹬而入則呀然穹
中一石室也廣可設椅案坐數百人其中懸崖怪石或

如獅而踞或如象而服綉或如異獸而奔逸異狀或如
柱而峙或如僧伽而填坐蓋有不可一一肖像者大約
如世之寺觀捏塑所謂普陀山者而其境自然非捏塑所
能及也入洞而右有天聖某年州守學正題名用是見
學正亦宋官而謂宋非大郡不建學者非也少東有慶
曆間荆南漕運判官暨本州守同祔歸令巴東令題名
用是見祔歸為州之屬縣非州之舊名也少東有我
明侍郎白公圭題名入東為石壁而北有門窅然深暗
土民之祈雨者皆以火炬而取水於中云是而入有積

水半腐水下為龍池至此無敢渡者諸生有欲入觀者
以流濕且無燭故止左有石床傍皆石簷如魚鰓狀
石通洞西二里有山一竅南北相通斜徑而上石牀而
盤可坐可臥令人恍然有遺世之槩宋黃山谷朱勝非
經此番題石岩有涪翁字○朱勝非詩云披棘捫蘿入
洞中拂塵別薜蘿認涪翁我緣直道來施右君為清詩到
石通定後寂寥無異議危初萋斐竟何功投豺豕北言
猶在厄宋飢陳道不窮

暖水渦巫山治南冬月水暖解衣極潔

天池在府治巫山縣亦有唐杜甫詩天池馬不到絕壁
鳥繞通百頃青雲秋層波白石中鬱紆騰秀氣蕭瑟浸
寒空直對巫山出無疑要禹功

龍昌洞巴東西渠溪內岩壁間有石隙深邃相傳有龍
潛焉又名三游洞上有龍舟相傳元時平日人戲舟於
此飲酒鼓譟龍怒水湧人為所溺惟舟棹高閣不朽周
漁溪常遊焉

施州石通洞黃山谷詩云古木蕭蕭洞口風昔人曾此
出樊籠岩前況有涓涓水好滌塵埃去放翁

白起洞英陵川

蝦蟇壻泉茶經水品第四

香溪水茶經載焉

楚王井

雷鳴洞

清寧井

巴東有三潮水一日三潮

歸州廢靈泉寺有水自山頂流出狀如瀑布僧無盡於此著華合論傳云此泉與江水消長相應故名

巴東縣有溫涼井中有氣冬溫夏涼又有陰晴井井上
有雲則雨無雲則晴

長陽縣龍角山穴內有陰陽二石陰石常濕陽石常燥
旱輒陰石則雨涝輒陽石則霽

洗墨池夷陵治內郭璞註爾雅於此

崩洪紀異

周孝王十三年江漢水

東漢和帝永元二十年夏四月南郡秭歸山高四百丈崩填壓死人民百餘明年冬至蠻夷反遣使募荊州吏民萬餘人討平之

漢昭烈章武二年六月秭歸縣黃氣見

長十餘里廣十餘丈

吳永安三年西陵言赤鳥見

晉永平二年荊州及丹陽俱大水

宋太平興國九年歸州貢赤鵲一

宋皇祐間歸州山崩江石斷流舟楫不通

元至大三年夏六月岷路大水山崩壞民居死者甚衆
皇明弘治五年大旱飢正德八年大水

正德十五年江漢水合

嘉靖十四年夏雨經月溪水四溢山澗水田冲崩無筭
二十一年六月十日新灘北岸山泉湧出泥滓山勢漸
裂居民驚駭逃避頃之崩五里許巨石騰開塞江流壓
民舍百餘家舟楫不通○三十七年夏新灘又崩裂居
民舍數十間壓死三百餘人○三十九年夏五月兩雹

傷禾○秋七月江泛大水異常沿江民舍漂流殆盡不
稼淹沒無秋飢○四十年夏五月淫雨決旬州治崩圯
官署民舍多為傾沒今圯城是也

興山縣二十年夏六月夜雨雹如斗次者如拳又次者
如彈自東北降至東關草店山水聚湧漲溢民舍冲漂
溺死者不可勝計

嘉靖丁未巫山縣大水溢舟入市庚申水溢撐舟入城
斗米三錢

灩澦堆先時旱水涸露大半見三足如鼎形

嘉靖戊子象山左麓有古碑因澍雨傾出為泥塗所淤
漫不可識後洗磨視之屈廟祥符年碑其文左氏法紀
載甚悉且刻錢亦工議移本祠復為江泥所沒覓之無
得嗚呼文之顯晦雖係於數然靈均有代人物焉知此
碑不復出乎姑志此以俟

守江集議上

吳大司馬陸抗上疏曰西陵建平國之藩表既處上流
敵泛舟順下不可恃援他郡以解倒懸此乃社稷安危
之機也乞補江塲庶幾無虞

蜀漢宗預迁右中郎將嘗守永安後丞相亮卒吳虜魏
或乘虛取蜀增巴丘守兵蜀聞之亦益永安之守預將
命使吳權問預曰東之與西辟猶一家而增白帝之守
何也預對曰東益巴丘之戍西增白帝之守皆事勢宜
然不足問也權大笑

孟珙知夔州曰不擇險要立峒柵難責兵以衛民不集
沉民安耕種則難責民以養兵乃立賞格以課殿軍俾
諸司舉行之尋兼夔路制置大使大開屯田調夫築堰募
農給種首秭歸尾漢口為屯二十萬頃八千二百八十
畝

孟珙謀叅古塔海南侵策其必道施黔以透湘湖乃請
粟萬石以給軍餉以千人屯歸州命弟籍兵駐松滋為
聲援增兵守歸州隘口萬戶
蒙古至珙密遣將禦
之珙兄時知峽州帥兵巡拒歸州大岷岩得捷巴東遂

復夔州

紹興衛膚敏謂江陵襄陽尤為要害劉長源謂忽夔峽恐其來時雄虎之將布在蜀口則諸臣尤以為慮謂宜置重臣於江陵以為江西之巨防嚴守備於夷陵以為荆楚之外戶

夔故有州城在溪西閬城在溪東自蜀有仇難背廢弗葺或葺弗得其要越寶祐丙辰帥守韓宣既城夔訖事靖惟瞿唐關西崖峭峙一水掀騰自古設險其上以限荆巴與州城相表裏而近江之城高挿半天則我不得以

制敵近山之城低匝平地則敵反得以乘我且規置汧
漫非所以重唇齒之勢深犄角之謀迺奮然圖惟改築
策應大使覲文吳公轉以上聞即中朝科降蜀閬撥助
以濟其役且申詔趣辦起五月丙辰訖八月甲申而城
以成西南近江城於江許則賊舟楫不能越東北近山
城於山勢則賊矢石不能加合而言之州城以駐重兵
閤城以駐輕兵脫有緩急則重兵控其西輕兵扼其東
沿江戰艦上下游擊灑瀕堆又以旋風砲擬之而西陵
門戶壯固矣

守江集議下

梁武帝時有冉氏田氏向氏大者萬家少者千戶僭稱侯王屯據三峽荆蜀行人至有假道者

後周明帝時蠻帥冉令賢向五子等互攻陷白帝武帝天和初詔開府陸騰討之蠻衆大潰斬首萬餘級騰乃聚其骸骨於邏城側築京觀後蠻蠻過者輒大號哭自此狼戾之心輟矣信州舊理白帝騰更於蜀先主故城自八陣之址臨江岸築城移置信州又以巫縣信陵移歸並峽中要險築城置坊以為襟帶焉

宋咸平五年施蠻叛召問巡檢使僕廷賞對曰蠻無
他求惟欲鹽耳因詔夔州路轉運使丁謂與之說諸蠻
感悅相約不為寇鈔自於是與溪州蠻皆願歲輸粟步
鹽丁謂上言溪蠻入粟實沿邊砦柵頓息施萬諸州饋
餉之弊自古安邊未有若此先是益州軍亂議者恐沿
江下峽乃集施黔高溪蠻豪子弟捍禦之蠻因熟漢路
寇掠而歸謂因乃與盟令還漢口四百餘有生蠻遠約
謂遣高州義軍務頭角田承進及夔州兵擒獲之諸蠻
伏罪謂置尖木砦施州界以控扼之

原缺

明興洪武四年置施州十四年置衛至二十三年始廢
州入於衛因其邊徼羈縻之為立宣撫安撫蠻夷長官
諸司以部頒蠻落不重繩以漢法後又令荊州通判一
人歲往撫之諸蠻皆願奉約束不盜邊至嘉靖四十二
年施州蠻王忠聚黨攻劫龍潭攻支羅荆蜀二藩皆
騷動詔二藩巡撫大臣會兵計以聞時巡撫都御史谷
中虛下令督荊南諸將往據諸險要屬藩叅王紹元諭
降以沙市巡檢趙應奎入其巢質忠出降尋請下吏殺
之而應奎亦以許脫繼屬荊州守趙賢岳州守姜繼魯

往丈羅條畫善後策置施州兵備僉事一人駐夷陵控
制之西境乃平隆慶四年金崗軍壁復叛熊嫂謀奪印
巡撫都御史劉懋上其逆狀討之懋移鎮荊州遣守巡
督諸將分道往勦師圍半載壁力屈自詣轅門伏辜乃
跪削去安撫司奪其印章降為金崗崗長立壁父覃勝
宗為崗長領諸蠻以丈羅百戶轄之改通判以同知撫
夷施州其後兵備亦罷以荊南分巡使兼領焉湖廣通志
查得萬縣南岸一帶地方壤接施夷各土司環列四境
蜀漢時立南浦縣后代因之至元省入萬州相去曩遠

民又頑犢乃致姦巧不軌之徒遊手遊食之輩鼓扇箚
惑故黃中之亂殆有釀而成之者中雖剝平而處置未
妥其間狡猾之民動犯法禁稍聞捕緝即使入夷方名
曰投崗間引土夷劫掠我人民侵斂我畜產釀禍非小
矣巴南富豪懼夷侵掠私據險要築堡自守名曰立寨
因見地方曠遠無恃家丁衆強凌蔑官法毆打公差不
供祖庸不服拘喚稔惡匪細矣查得先年黃中既平之
後節該院道酌處地方善後事宜有議復南浦縣治以
緩邊民者有議委捕盜通判駐劄黃荆垵者自今觀之

復舊縣者久安長治之策也議捕守者攘外安內之權

也

出雙
州志

施州蓋國初入川孔道也重之以衛慮遠矣其地有十三土司施與瞿唐二衛也土司每有所征調衛者鎮其夷性使不為非耳無論地方廣而軍民之居施者率性夷也其地有師生而無提調有民社而無地主則假之於撫夷撫夷者假憲而實府者也么麼必候可而後行往歷千五百路崎嶇乃若此其有謀猷能展用哉居久武弁惡侵已之權百計中傷雖欲安居不得也每歲大

孫役輒赴府不下二三次暑雨山澤漲滿武弁者荷竹
箴拄杖行遇水則洞而浮撫夷者体統假尊重能行耶
其非所轄者二縣能類供應耶是不可以不講失厚其
廩給無使侵在衛職事而又免其考察必考滿始一起
府則孤身懸萬山不測之地庶乎其可矣議者欲改建
州治先州衛不相能而禍及誰肯蹈覆轍哉人有談其
地險云可備緩急噫土夷每相殺不下千百其中豈無
漢人與中國之命祇抵一牛不可不知也

出許正
吾集

峽俗叢談

變俗民淳訟稀風厚俗美士敦文行民重桑農巫山士
慕文學民簡詞訟建始地僻山深俗尚朴實歸州農勤
耕耨士知學行巴東民漸歸淳士頗知學興山農務耕
鑿士勤誦讀夷陵民質直好義學校之盛甲於荆湖故
其民多好學

雙人重武侯以人日傾城出遊八陣蹟上謂之踏蹟婦
人拾小石之可穿者以絲索繫于釵上以爲一歲之祥

出圖

變民寡婦多招贅婿甚至年踰五十有二三子亦行招
贅間亦有弟贅兄嫂其男子有妻妾者利寡婦之資產
輒過寡門為贅父則花費其財產變賣其人口遂起訟
端出守
變稿

語惟侏離服用錦布占事者以鼠撥辨吉凶占病者以
銅馬代金馬之神婚姻論財縛婦而娶不論分之尊卑
祭弔索帛壻家所有不問人之貧富出建
始誌

歸焉夷夏相率敬鬼重祀深山之民猶伐鼓以祭祀叫
嘯以興哀俗以麻絰巨竹分棚而挽謂之拔河之戲以

定勝負而祈農桑

峽民男為商賈女當門戶坐肆于市肩擔負于道路皆
是婦人也

大旱則焚山擊鼓禱雨必沉牛以答神貺有合神農舊
市井泊船處謂之市墜杜詩云市墜溪西頭

行舟以竹輜續為索以引上水舟謂之百丈俗曰火丈
呼柁工為長年三老又曰寂能今或稱翁

自五月至八月江流泛濫瞿唐不可上下舟船當戒謂
之性夏又曰對峽

夷陵江或浮大木蔽塞水面土人謂之龍巢翻

施州俗男至老不束頭女衣花布親喪率大字謂之打
墓就日而埋不行禳除之禮土司事多求勝不復論理
殺人論罪償之以牛山田隨勢開墾無頃畝刈其草木
焚之以灰其田田乃茂稍薄則灰力盡矣又焚他而田
之石多則掘土旋運為田以種所謂刀耕火種者以此
楚詞招魂尾句皆曰夢兮今變峽及湖南北江獠尤禁呪
句尾皆稱夢此乃楚人舊俗即梵語薩嚩訶也三字令
言之即夢字也聞歸人三十年前猶然

夷陵民俗陰陋販夫所售不過鯖魚腐鮑民所嗜而已
民之列處灶礪匱井無異位一室之間上父子而下畜
豕其覆皆用茅竹而俗信鬼神相傳曰作瓦屋者不利
歐公書事詩曰道途處險人多負邑屋臨江俗善汙臘
市魚鹽朝暫合淫祠蕭鼓歲無休

峽誌雜錄

蓮花池北嶺上俗傳周濂溪判夔時鑿以種蓮

石笋明良殿前

柏柱

白帝城西大十圍高三丈相傳公孫述樓柱砍之血出

石臺岷江之南與八陣圖相對世傳孔明教戰之所

草堂

杜工部甫寓此溪西漢東屯三徙其居皆有草堂名為高齋今東屯遺址尚存

公孫樓柱

荊州記已東有一折柱直高三尺可十圍相傳漢公孫述樓柱久不朽今無

向王鐵鎗治北臨大江傍有鎗頭長數尺經久相傳云

萊公栢

在巴東旧縣冠萊公為令時手植雙栢民懷之以北井棠故名

梅溪碑宋王梅溪為萊公立今遷秋風亭

清寧古井

在郾東三十五里崖穴中有泉出焉父老相傳先朝蜀人焚盥於此巨舟連蜀居人輻輳

後以所得不能償其所費止之今泉口尚以鉄汁融液居人或取水烹飪云

玉米田

在三間鄉居子墓前有田數畝出玉子耕種時出白米似玉

洗面井在原子基在今井尚存

石羊臺

屈子墓左有臺俗傳屈子常登眺於此遺跡尚存

昭君臺與山縣治南一里

督郵石

出真錄云宜都建平二即界有倚石如二人據快相對傳二即督郵工界於此宜都即今夷陵也其二石尚在峽口舟行見之

廩君土舟寨字記夷水自施州開蠻界流入昔巴蠻有

巴樊羣相鄭五姓未有君長各乘土舟約浮者當以為

君惟巴務相獨浮因共立之是為廩君務相乃乘土舟

從夷水下及夷城因立城其旁而居之今水名清江在

長陽縣

一統志

鍾離山石穴已變五姓皆出鍾離巴氏子生赤穴四姓
子生黑穴俱事鬼神未有君長共擲劍石穴約能中者
奉以為君已務相中之衆皆服

一統志

竹王祠華陽國志初有女子浣於澗水有三節竹流入
足間中有嬰兒声剖竹得男收養之及長材武自立為
夜郎王以竹為姓漢武平西南夷王被殺夷僚求立後
天子乃封其三子為侯死後配食其父宋崇寧中賜廟

額曰靈惠

一統志

四川黃陵廟有一琴殆如朽木匣於神前傳以為魯般所造人以一指扶之輒能自行表姪許郎中云此即運瓶之術蓋道流假此以神施捨耳理或然也

查四川無此廟然即此

唐夔州推官楊旬積累陰騭其子將入試夢一神曰汝

積陰德將汝子名改作楊椿納卷吾當助汝子得第次

年赴省試椿夢一神曰今年題乃行道王而王及試果然

亦得第及殿試甫夢神曰汝名在第五甲吾換作一甲

後唱名果奪魁天下及夔使君詢旬陰德旬乃出三堅

囊示之第一囊有三十九文當三錢第二囊有四千餘

文折二錢第三囊有萬數小錢乃勾詳讞罪囚有從死
罪止為流罪者即投一折二錢有從杖罪而決放者即
投一小錢又每效周筮行大上感應篇十種利益故獲
斯報

馬桓除黔南殊不得意維舟決中月夜見白衣人緩步
堤上吟曰截竹為筒作笛吹鳳凰池上鳳凰飛芳君
向黔南去即是陶鈞萬類詩遣人邀問已失之矣後自
黔南入為大理卿遂拜相

是隆初有人泊舟巴峽夜聞人詠曰秋徑填黃葉懸崖

露草根依戶一叫新客淚數重痕通宵凡吟百篇

荆南某大守之女既得壻將于歸夢人告曰此非汝夫
汝夫乃金君卿也既覺輒于繡榻上繡金君卿三字母
見而疑之以告其父父詰女具以夢告未幾所議壻果
死後峽州守入境乃金君卿也始悟前事至則詢其新
失伉儷以女夢告之金懇辭主人強之竟成婚妻生數
子金官至度支郎中

寇準登第授大理評事知歸州巴東縣唐郎中謂方為
郡夕夢有人告云宰相至唐竟思之不問朝廷有宰相

出鎮者晨興視事而疆吏報準入界唐公驚喜出郊迎
勞見其手神秀儒便以公輔待之且出諸子羅拜

寶元初朱正基知峽州臺一吏云城隍神遣其督脩夷
陵縣廨甚急連三夕夢之明日报歐陽公謫夷陵令朱
感其夢待之特異公事之益謹白事必折于庭朱候入
門先降階接

巴東下巖院主僧水際得一青磁碗携歸折花置佛像
前明日花滿其中更置水米經宿米亦滿碗以錢及金
銀置之皆然自是院中富貴院主年老一日過江檢田

懷中取碗擲於中流徒弟驚愕師曰吾死爾等寧能謹飭自守棄之不欲使爾增罪累也

杖江縣東南富城州上有道士范儋精虛自言巴東人少遊荆土而多盤桓縣界惡衣惡食蕭散自得言來事多驗而詞不可詳人心歎見歛然而對貌言尋求終弗遇也雖逕跨諸洲而未嘗見其濟涉也

宋隨州大洪山李遙嘗殺人亡命踰年至秭歸市一杖秭歸有被殺者求賊甚急其子見遙杖曰父物也執之官榜掠備至秋遙實購之者卒莫自明械送于隨大洪

殺人事竟洩伏誅

挿竈在空舂峽絕崖壁立數百丈有一火爐挿石間望見可長數尺相傳堯洪水時行者泊舟崖側炊爨以餘爐挿之至今猶曰挿竈

高力士謫巫州山谷多薺而人不食力士作詩寄意曰兩京作斤賣五溪無人採伯夷雖有諸氣味都不改歸硯歸州太沱石江中水石也止用於川峽人

庚午歲海濱漁人網一魚巨口四足長尾細鱗聲類怪鳥其年大水以為水怪予按此鯢魚也形體似人声如

小兒日含水入山以草覆身張其口鳥飲水則吸吞之峽中人能食之先縛于樹鞭出白汁以去其毒乃烹鳥杜甫詩有家家養鳥鬼頓頓食黃魚說者皆謂夔峽間至今有鬼戶乃夷人也其主謂之鬼主然不聞有鳥也之說又鬼戶者夷人所稱又非人家所養按夔州圖經稱峽中人謂鸛鵒爲鳥鬼蜀人臨水居者皆養鸛鵒繫其頸使之捕魚得魚則倒提出之至今如此予在蜀中見人家養鸛鵒使捕魚信然但不知謂之鳥鬼耳

楚襄王神女

程敷政

自古言楚襄王夢與神女遇以楚詞考之則有甚不然者高唐賦序云先王嘗遊高唐夢一婦人曰妾巫山之女朝為行雲暮為行雨則夢神女者懷王也神女賦序曰楚襄王與宋玉遊於雲夢之浦使上賦高唐之事其夜王寢夢與神女遇異之明日以白王王曰其夢若何王對曰晡夕之後精神恍惚若有所善見一婦人狀甚異竒上曰狀何如也王曰茂矣諸好備矣瓌恣瑋態不可勝讚王曰若此盛矣試為寡人賦之夫既云王曰茂矣美矣又云王曰若此盛矣何其前後之復哉况入君

語臣不當曰白荅臣不當曰對且其賦曰他人莫覩上
覽其狀望予惟而延視今若流波之將闌以為宋玉代
王賦之如王之自言則不當云王覽其狀既云王覽其
狀則是宋玉之言矣又不知稱予者誰也以此考之其
夜王寢夢與神女遇者王字乃玉字明日以白王也王
與玉字先後互書之誤耳前日夢神女者懷王其夜夢
神女者宋玉王無與焉從來枉受其名耳

紹熙中瀘師張孝芳者為卒伍張信等所謀而致叛信
為同伍張昌殺之瀘遂平定此乃紹聖中穉歸一僧俗

姓廖名慧覺居山院畜資甚厚醵衆進斷瘟水陸繼而
冠李萬兒者率衆欲劫之初不知其僧設穿於四垣遂
盡陷之惟李萬兒數人僧與其徒創而食之後李萬兒
等圖報其冤岳灵曰汝報之未可此人有為衆作福之
緣未艾更一生可也惟汝尚有所殺王吉必報汝也自
是僧慧覺生清河家即芳也萬兒即張信也吉即張昌
也其報昭然予遂與英烈統理神衛瀘而平焉

出文昌
化書

某舅氏李君武者少才勇以武舉中第常押兵之夔州
行峽路暮投一山驛驛吏曰從前此驛不宿客相傳堂

中夜有怪物居武火年氣豪健不顧逆宿室中至半夜
忽有物自天窗中下類大飛鳥左右擊搏居武棚常所
弄鐵鞭揮擊俄中之逆墮地乃取盆覆之至天明發盆
視之乃一大水鳥如雛鶴細視之乃有四目因斃之目

後驛魚怪

明道
雜志

三峽總志卷之五終

三峽通誌後跋

三峽在楚蜀間奇險甲天下蓋自古誌
之自驥燥發時已耳之然而未目也屬
補令荆歸之興山以公謁數遊歸峽若
巫峽夔峽曾一遊焉蓋既耳而目之顧
征棹迅發即峽中勝槩諸名狀弗皇悉
諳猶然未目也今年秋歸大夫 吳公

脩通誌五卷首著三峽異同次考次詩
歌詞賦銘記次附錄終焉刻成出賜驥
驎恭受披閱其中封疆之遐邇恢隘山
巖之歲嵬寥逖川濤之滌汨潺湲灘磧
之奕兀漩激風氣之淳澆靡儉與夫神
宇仙宮雄閼窈阻幽境平郊誠一覽畢
照他如古昔聖帝賢卿儒彥俠逸凡生

於茲宦於茲寄寓於茲其殊勛勁節偉
畧愷澤藻文清興以至混一偏安之蹟
藉藉乎其流聲者由斯以尚論其世莫
不想見其為人隨觸心動恍然慨慕悲
恨之不已蓋不必躬履步循攀緣指顧
而披閱所得雖常目在之無踰是悉大
夫謂卧游信矣嗟嗟斯誌也寧亶供卧

游哉彼其形勢習俗彙集臚列將使後
之客楚蜀間者卜水道爲跋涉計得折
衷斯誌以避趨將使後之吏楚蜀間者
酌地宜爲沿革計得折衷斯誌以經畫
甚之計

國家治安控扼咽喉銷未萌之奸戒不虞
之患用繫於苞桑亦咸於斯誌折衷焉

驥熟玩深惟然後知其時義之奧功用
之宏自非大夫之洽聞多識周智遠慮
胡以有此乃序謂廣同好俟博雅君子
蓋自道云

屬下吏興山知縣廬陵曠驥頓首拜跋